


# Alkitab Buat Bocah

## Nampilin



# Tembok Gede Nehemia



Nyeng nulis: Edward Hughes

Nyeng bikin gambar: Jonathan Hay  
Alastair Paterson

Nyeng nyocokin: Mary-Anne S.

Nyeng terjemahin: Matheus Nalih Ungin

Dibikin buat: Bible for Children  
[www.M1914.org](http://www.M1914.org)


©2024 Bible for Children, Inc.

Perijinan: Enté boleh ngegandain atau nyetak ini cerita,  
selama enté kagak ngejualnya.

1

Persia, Negara nyeng paling kuat, pusat dari pemerintah dunia. Dan raja Artahsasta nyeng merintah Persia. Itu nyeng bikin dia jadi seorang nyeng paling kuasa.

Seorang pembantu raja nyeng paling penting Nehemia orang Yahudi. Kerjaannya jadi tukang nyicipin masakan raja buat ngelindungin raja dari keracunan.



2

Suatu ari, Nehemia dateng ke raja dengan muka asem. Raja pengen tau apa nyeng udah terjadi. Nehemia bilang, "Oh raja, moga-moga raja idup sampe selamanya. Saya sedih kalo kota tempat kuburan bapaku udah ancur ama pintu gerbangnya juga udah kebakar."

Nehemia nyeritain soal Yerusalem, nyeng udah ancur karena perang beberapa taun nyeng lalu.




3

Raja Artaxerxes nanya, "Apa sih nyeng kamu pengenin?" Nehemia ngerengek, "Ijinin saya pegih ke Yerusalem sampe saya bisa ngebangunnya lagi." Raja Artaxerxes udah pasti setuju. Dia juga ngasih Nehemia surat perintah buat ngelindungin dia dalem perjalanan.



4

Raja banyak ngebantu. Dia ngasih Nehemia surat buat Asaf, seorang penjaga utam punya raja. Asaf disuruh buat menuhin sebrapa banyak kayu nyeng diperluin Nehemia buat ngebangun tembok kotanya.



5

Pas Nehemia sampe di Yerusalem dia nemuin seorang pemerentah kota dan bilang, "Sekarang kita ada persoalan. Kota ancur, ama tembok juga kebakar. Nyo kita diriin lagi." Nehemia juga bilang kalo raja Artaxerxes juga ngedukung mereka, dan nyeng paling penting, Allah juga ada sama mereka.



6

Nehemia punya iman ama semangat nyeng dia punya bisa nyemangatin orang banyak. Mereka sepakat, bilang, "Nyo kita diriin lagi." Nehemia bilang sama keluarganya nyeng laen kalo tembok perdamaian bakal didiriin lagi, mereka nyeng bakal ngelarin.



7

Tapi kaga semua orang sepakat buat ngediriin lagi tembok itu. Laki-laki nyeng namanya Sanbalat, ama kedua sohibnya Tobiah ama Geshem, bukan orang Yahudi,



mereka kaga pengen ngediriin atawa ngelarin pintu gerbang itu.

8

Pas gawean itu lagi jalan, Sanbalat marah banget. Dia ama sohibnya ngeledok orang-orang Yahudi. Tobia bilang, "Pas mereka semua ngelarin tembok pembates itu, satu anjing utan bakal dateng dan ngerusakin semuanya." Nehemia kaga ngejawab. Tapi, dia sembahyang pada Tuhan



supaya terus ada sama mereka.

9

Waktu ojok-ojokan mereka kaga ada pengaruhnya, mereka rembugan buat ngelawan Yerusalem ama bikin banyak keributan seabreg-abreg nyeng mereka bisa. Lagi-lagi Nehemia minta tulung Tuhan. Dia juga naro centeng siang ama malem biar mereka kaga dikagetin sesuatu.



10

Orang-orang Yahudi begawenya getol, dan mulain kurang ati-ati. Mereka takut, kalo-kalo musuh bakal dateng dan ngebunuh mereka pas lagi begawe. Tapi tetep aja Nehemia kaga ngeberentiin pegaweenya. Dia naro centeng seputer pegawe ama ngingetin mereka semua kalo Allah ada sama-sama mereka ama Allah jauh lebih kuat daripada musuh!



11

Nehemia terus ngejajal jadi contoh nyeng bae. Raja Artahsasta udah



ngejadiin dia gubernur dari Yerusalem pake hak buat narikin makanan ama duit dari orang-orang di sono, tapi Nehemia kaga mau. Dia cuman pengen getol begawenya sama orang-orang buat ngediriin lagi tembok itu.

12

Akhirnya kelar juga mereka ngediriin tembok, dan tinggal naro pintu-pintu gerbang utama. Pas Sanbalat, Tobia, ama Gesyem ngedenger kalo kaga ada nyeng ngejaga-jagain di tembok itu, mereka punya niat buat bikin cilaka Nehemia.



13

Mereka ngirim pesen sama Nehemia buat ketemuan sama mereka di satu tempat nyeng namanya Ono. Tapi Nehemia tau kalo mereka berusaha mancing-mancing dia keluar dari kota biar mereka bisa nyelakain dia. Nehemia ngebales surat itu dan bilang pada mereka kalo dia kaga bisa ninggalin pegaweenya buat nemuin mereka.



14

Tembok itu akhirnya kelar juga,



dan Nehemia ngatur para centeng buat ngejagain.

15

Dia juga bikin peraturan kalo pintu gerbang itu kaga boleh



dibuka sampe mentari muncul.



Semaleman, mereka kudu nutup ama ngejagainnya.

16

Sekarang kota itu udah balik lagi jadi aman, banyak orang Yahudi nyeng dulunya pada pindah ke tempat laen, pada balik lagi ke Yerusalem. Nehemia sangat girang karena udah ngelarin pekerjaan Tuhan nyeng dikasih

kepada dia, meski ngalamin kesulitan. Nehemia netep di Yerusalem ama ngebantu orang-orang biar terus setia pada Allah.



17

### Tembok Gede Nehemia

Sebuah cerita dari perkataannya Tuhan, Alkitab

Ditemuin di

Nehemia

"Palang pintu Firman Engkau ngasih terang."  
Mazmur 119:130

18

Tamat



Ini cerita Alkitab nyeng nyeritain kita soal Tuhan kita nyeng keren, nyeng nyiptain kita ama pengen enté kenal Dia. Tuhan tau kita udah bikin hal-hal nyeng kaga bae, nyeng Dia sebut dosa. Hukuman dosa ya mati, tapi Tuhan sayang banget sama enté, Dia ngirim anaknya nyeng atu-atunya, Yesus, biar mati disalib dan dihukum karna dosa enté semua. Lantas Yesus idup dan balik lagi ke rumahnya ke Sorga. Kalo emang enté yakin ama Yesus dan minta biar Di maafin dosa-dosa enté, Dia bakal ngelakuinnya! Dia bakal dateng dan idup di dalem enté ini ari, dan enté bakal idup ama Dia selamanya.

Kalo enté yakin ini kebenerannya, sautin ini ke Tuhan: Ya Yesus, ané percaya kalo Engkau itu Tuhan, dan berobah jadi manusia buat mati karna dosa ané, dan sekarang Engkau idup lagi. Tulung dateng kedalem idup ané sama maafin dosa-dosa ané, biar ané punya idup nyeng baru ini ari, dan entar bakal pegih sama Engkau selamanya. Tulungin ané biar bisa nurutin Engkau dan idup buat Engkau ama anak Engkau. Amin.

Bacain Alkitab dan ngomong ke Tuhan tiap ari! Yohanes 3:16